


傳疑小史  
完

210.4



タイトル番号：0037

書名：傳疑小史

1冊

中井積德遺藁

傳疑小史

春懷藏板

53714

28.331

刻傳疑小史序

余嘗愛中井氏履軒敬帝文萬于古而從  
容於澹藹，然寔近世作家之盛矣及讀  
其通語之書敘述簡以意論斷又極明確  
此諸阿元漢陰逸史之詳賅發越曲異  
而工同未易軒輊也後更得傳疑小史  
觀之雖筆力隋刻与通語又變一格  
而妙能藏才顯於醞藉可見其學老

而弥摯所謂思深而情不可伸則然  
而下者非誣已顧傳本世不多有頃者  
友人華春懷偶獲而喜也亟稟付梓  
詢序于余余曰諾哉夫九篇五十八章  
自俗目而論或斬其繁之乎未飲大觀  
也殊不知幽人實傳其可傳而不可  
傳則不傳焉疑云者謙也尔是其少  
許雅勝他人多之而夫何歎之有雖然  
卷懷好奇之士聞其家新置活字印  
六萬顆絀貲財弗屑吾請何不試出  
之以取夫微帚諸編之等次第排刷  
若干部以貽同好焉則其快愉當更  
何如而小史之刻方且為先集之散  
不亦善乎聊泐筆以頌昔  
嘉永庚戌之臘月

後學乙事完題

傳疑小史

信以傳信、疑以傳疑、是史家之恒矣、况野乘稗  
史之叢雜、紛予龐兮、吾聞見之弗博、焉能折衷  
焉、可筆者筆之、無所擇也、於是乎傳疑而信存  
乎其中、其命篇也、猶謎、即欲釋其語、所出唯然  
解謎者斯得其緒、

武篇第一

天文川中之役、甲師以牙軍擊越牙軍于原町、越師

却字佐美定行以偏師橫衝甲師甲師崩入御幣川  
甲帥立馬于岸上以殿焉越帥單騎馳入索甲帥白  
氈裏頭綵渾脫乘驄馬揮刀長三尺呼曰信玄安在  
甲人或罵之曰信玄將軍何在于此奮稍刺之不中  
於是甲帥馳赴水越帥追及焉斫之三刀甲帥惶急  
舉麾扇禦之一刀斷扇柄入腕一刀中肩時水急而  
浚甲人環視不能相救有二人舉稍擊越帥中馬馬  
驚而逸甲帥馬躍没于深水人救之乃脫

○尾人圍大高城築四壁其東更有四壁軍令敵餉  
于城中者必攻鷲津丸根則二壁吹螺丹下中嶋軍援  
二壁東四壁則出兵會戰于城下今川氏弗能餉焉  
城中食竭義元請照后往餉焉照后時年十八  
夜出軍輕兵八百親領駝馬出城背遣四千人徑赴  
東壁破寺部柵放火引軍轉攻梅坪亦破而炳之火  
光燭天鼓譟震地西壁驚愕皆馳援梅坪照后乃  
下山送糧入城整軍而還西壁無兵不能阻之

○浪華之役十一月十八日、照后巡園、至于備前、嶋親出竹園外、觀城勢、炮丸如雨、正純等屏馬前、請早還不許、及丸穿侍臣甲裳、乃引入園內、諸侯多來謁、台后亦詣、照后說再出同觀焉、從者苦諫、皆不聽、及還旋馬、僅數十步、大丸集觀所者六七重、皆三十斤矣、初城中多識者、競放炮、後藤又兵止之曰、名將興主、矢丸不能傷馬、傷亦不祥、

○三木之役、城中有中村五郎、太公使謂之曰、反城有厚賞、忠滋佯許之、出其女為質、尅日納外兵千人、皆殪之、太公大怒、磔殺質子于城下、及城陷、不知其所、之後獲之、丹下中傳致于幕下、太公曰、尔罪万段、無厭、將烙將鋸、然為主棄女、其忠可嘉也、赦而祿之三千石、

○東征之日、遊于鶴丘、源二位像在焉、太公熟視言曰、起微眇宰天下、卷舒四海者、唯我与子矣、然子王室之曹、賴義義家布威信于東土、以至子之父兄、東人



奉戴久矣，是故子之東竄，東人欽慕焉。及舉義旗，關東風靡，其定天下，曾不勞力也。我乃卑賤無氏無姓，而取天下，則我之績優於子矣。但我與子亦以天下為友耳，舉手撫背而出。

○旋次于鬱宮，夜宴侍臣，盛談甲越軍權。太公忿狀曰：「兩禿幸而蚤死耳，今而在焉，且彼使執金立吾輿前，以為還京之觀矣。何物車進坐隊，咸謔語耳。」

○三好氏之亡，厨人坪內被獲，或薦之織田氏，命供夕饌。淡泊不適口，信長怒，命將出斬之。坪內請明日復之，而後死，許之。厥明供朝饌，信長大喜，命殺之。且問其故，坪內曰：「三好氏秉柄五世事，務於華飲饌，尤清麗。昨所進是第一等，號京樣，主人所饗，食其忤者，宜矣。今所進是第三等，號田舍樣，所以供遠客，其適口不亦宜乎？」

○朝鮮之役，太公在筑紫，患事不平，集諸公議焉。氏鄉前曰：「是無他也，第以朝鮮賜臣，任其進取，則君無

所憂勞也。太公弗擇，由是稍疏。蒲生氏

○可見才藏有隸曰竹内久左，亦驍士，才藏每獲祿，多少必割半，予久左。

○永井善元不伐，長篠之役，力戰有功，傷巨擘，墮刃，敵兵拾刃而逃，追而撿之，取刃而還，後有問指創者，輒言馬齧。

○久世三四郎，坂部三十郎，一雙士也，每駢奉使令，照后嘗命二人探敵中，三十受命奮而起，即跨馬而

馳，三四色變，躊躇已行，侍臣或哂之。照后曰：三十

性剛輕敵，故無所畏也。三四好勇而勉武，今日自期

於死，故有惧意耳。然能深入審探者，必三四也。已而果然。

○有舞妓名國稱，天下第一。越前黃門召而觀之，其舞繫頸以水晶念珠，黃門賜珊瑚以易之，衆咸歎稱其不負名也。黃門觀畢，墮涕曰：天下億萬女子，而渠乃為第一矣。我未獲為第一男子也，則吾不如渠遠。



矣、

○三齋風流有巧思或製鞞使以註色樣三齋接筆註之授使者其鞞標以牛角桐木為質使者曰桐木易折如之何三齋作色曰闕時大標易碍以折為佳使者又曰標折之後果如之何三齋笑曰士之臨軍不自期生还子唯慮標折之後也亦能慮頸折之後與力戰標折矣觀更倍焉後日易以他物可也頸折矣其何物以易否捨命赴敵何患於標之易折唯輕為妙

○越有三寶刀其一曰竹股兼光初老津農夫佩此刀沽豆市還囊罅漏粒輒中鞘而破視之鞘敗而刃露也竹股三河守聞而取之後納于謙信弘治川中島之役甲人或持銃狙謙信謙信馳而斬之并斫銃為兩段即是刀也景勝之時令京工裝刀期年而成衆咸贊稱焉三河視之曰贗也詰之曰真刀鐔上槽中有小孔可以貫馬尾臣之外莫知也景勝愕遣三河訪

求焉、三河微服扮西州旅客、入京募良刀、果獲於清  
水南坂、後獻于太公、浪華之役、喪其所在、

○越人戮奴、不當罪、奴之族愬焉、直江山城聽訟于  
金和之、弗肯請、必還奴、山城乃親書板檄于閻羅王、  
還奴謂訟者曰、吾能召還焉、但幽冥途邈、無可使者、  
且非親戚、不可、汝為我持檄往取、縛其親者三人、  
而斬之、加檄尸于市、乃無復言者、

○搗團衛初仕于加藤左馬氏、以事忝及浪華之役、  
在城中、夜斫阿波營、獲中村右近等數十人、然躬  
在濠橋上、踞胡床、揮白麾而進退焉、及和議就、其  
故舊皆來相訪焉、獨林半衛弗往、團怪之、使人請  
之、半衛曰、初吾常與團言、縱登榮、据貴、戰場不躬  
揮、稍舞刀者、非夫也、今聞夜戰團揮麾而已、年未  
六十、胡武之老也、吾之弗往、以斯團聞之、惻然灑  
涕曰、然固有是言也、關原之役、我張隊稍前忤主  
意、罵曰、汝竟不能為將帥也、我是以在于茲、前日